



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-51520/22
Sarajevo, 24.01.2023. godine

SKUPŠTINA KANTONA SARAJEVO

PREDMET : Odgovor na zastupničko pitanje – dostavlja se

Zastupnik Irfan Čengić, na Prvoj radnoj sjednici Skupštine Kantona Sarajevo, održanoj dana 28.12.2022. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo uputio je slijedeće pitanje Ministarstvu zdravstva Kantona Sarajevo:

„Prije svega želim čestitati Vladi Kantona Sarajevo koja je u 2023. Godini pokazala da cijeni rad javnog sektora i radnika u oblasti zdravstva, obrazovanja i socijalnih usluga povećanjem plata radnika u ovim oblastima.

U pripremi budžeta da li su planirana povećanja plata u ovim oblastima u 2023. Godini, te ako jesu u kojim okvirnim iznosima.

Također Dokumentom okvirnog budžeta za period 2023. – 2025. Godine da li su planirana povećanja plata u ovim oblastima u 2024. i 2025. Godini?

Posebno pitanje za DOB se odnosi za oblast zdravstva jer u važeći kolektivni ugovor je na snazi do marta 2024. godine“.

U vezi sa upućenim zastupničkim pitanjem dostavljamo sljedeći

ODGOVOR

Obzirom da se sredstva za finansiranje plata i drugih obaveza iz radno-pravnog statusa radnicima u oblasti zdravstva planiraju i izvršavaju u Finansijskom planu Zavoda zdravstvenog osiguranja Kantona Sarajevo, Ministarstvo zdravstva Kantona Sarajevo je navedeno zastupničko pitanje dostavilo Zavodu zdravstvenog osiguranja Kantona Sarajevo i zatražilo odgovor na isto.

Zavod zdravstvenog osiguranja Kantona Sarajevo dostavio je traženi odgovor koji vam u prilogu dostavljamo.

S poštovanjem.

MINISTAR

Prof. dr Haris Vranić






Broj: 01-33-5-328-1/23
Sarajevo, 13 -01- 2023

313

KANTON SARAJEVO
MINISTARSTVO ZDRAVSTVA
n/r prof.dr. Haris Vranić, Ministar



Predmet: Odgovor na zastupničko pitanje – dostavlja se

Poštovani,

Vašim aktom broj 10-04-51520-9/22 od 06.01.2023. godine dostavili ste nam akt Skupštine Kantona Sarajevo broj 01-04-51520-9/22 od 28.12.2022. godine sa zastupničkim pitanjem zastupnika Čengić Irfana, postavljenim na Prvoj radnoj sjednici Skupštine Kantona Sarajevo a koje se odnosi na povećanje plata, između ostalih i u oblasti zdravstva u 2023. godini, kao i za period 2023.-2025. godina. S tim u vezi dajemo odgovor kako slijedi:

“Aktima Ministarstva zdravstva Kantona Sarajevo Zavodu zdravstvenog osiguranja Kantona Sarajevo naloženo je da pripremi Programe zdravstvene zaštite iz obaveznog zdravstvenog osiguranja za područje Kantona Sarajevo za 2023. godinu (u daljem tekstu: Programi) te u skladu sa Programima pripremi Finansijski plan Zavod za 2023. godinu i provede postupak izbora zdravstvenih ustanova u javnom i privatnom sektoru za pružanje zdravstvenih usluga utvrđenim Programima jer za to, po mišljenju Ministarstva zdravstva Kantona Sarajevo, postoje svi preduvjeti.

Na prijedlog Ministarstva zdravstva KS, Vlada Kantona Sarajevo je na sjednici održanoj 22.12.2022. godine donijela Odluku o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za osigurane osobe sa područja Kantona Sarajevo i načinu organiziranja i finansiranja zdravstvene zaštite iz obaveznog zdravstvenog osiguranja za 2023. godinu (Službene novine KS br. 52/22) (u daljem tekstu:Odluka).

Članom 4. Odluke (Program zdravstvene zaštite) definisano je da “Zdravstvena zaštita koja se pruža u okviru obaveznog zdravstvenog osiguranja u zdravstvenim ustanovama, odnosno kod privatnih zdravstvenih radnika sa kojim Zavod zaključi ugovor, utvrđena je Programima zdravstvene zaštite iz obaveznog zdravstvenog osiguranja za područje Kantona Sarajevo za 2023. godinu. Programe izrađuje Zavod na temelju važećih standarda i normativa koje donosi Federalni ministar zdravstva, te izuzetno dopunjeno stavovima Ministarstva.”.

Član 5. Odluke (Timovi za pružanje zdravstvenih usluga) definiše “Obim potrebnog angažmana po pojedinim disciplinama proističe iz broja potrebnih timova za pružanje zdravstvenih usluga osiguranim osobama utvrđenih Programa”

Član 24. Odluke (Finansijska sredstva za ugovaranje zdravstvene zaštite) definiše “(1)Visina plairanih sredstava za ugovaranje zdravstvene zaštite iz obaveznog zdravstvenog osiguranja utvrđuje se Finansijskim planom Zavoda.(2) Sredstva namijenjena za finansiranje zdravstvene zaštite po Programima utvrđuje se na temelju vrijednosti boda na način da se raspoloživa sredstva stavljaju u odnos sa utvrđenim brojem bodova za obim i strukturu programirane zdravstvene zaštite. Utvrđena

ZZ

vrijednost boda jedinstvena je za sve vidove programirane zdravstvene zaštite. (3) Ukoliko u toku godine dođe do promjene raspoloživih sredstava ugovorena naknada može se promijeniti shodno promjeni vrijednosti boda”

Vrijednost programa zdravstvene zaštite utvrđena je članom XIV stav 2. Naredbe o standardima i normativima zdravstvene zaštite i iz obaveznog zdravstvenog osiguranja u F BiH („Službene novine FBiH“ broj: 82/14) gdje je definisano da cijena godišnjeg rada tima podrazumijeva sve troškove: troškove radne snage, troškove amortizacije, sve materijalne troškove, kao i troškove rada nezdravstvenih radnika. Novčana vrijednost programa zdravstvene zaštite za područje Kantona iskazuje se kroz vrijednost boda koji utvrđuje Upravni odbor Zavoda uz prethodnu saglasnost resornog ministra.

Gore navedeno znači uvođenje novog modela finansiranja zdravstvene zaštite po programima zdravstvene zaštite. te da se u posebnom dijelu Finansijskog plana Zavoda zdravstvenog osiguranja Kantona Sarajevo neće posebno planirati naknade za finansiranje troškova rada.”

S poštovanjem,



DIREKTOR

Mr. sci. oec. Muamer Kosovac

Dostaviti:

1. Naslovu
2. Direktor
3. a/a